

Dr. sc. Nusret Drešković, vanredni profesor, doktor geografskih nauka, Odsjek za geografiju Prirodno-matematičkog fakulteta Univerziteta u Sarajevu, uže naučne oblasti „Fizička geografija“ i „GIS“ - predsjednik,

Dr. sc. Dejan Đorđević, redovni profesor, doktor geografskih nauka, Geografski fakultet Univerziteta u Beogradu, uža naučna oblast „Prostorno planiranje“ - član,

Dr. sc. Jasmina Đorđević, redovna profesorica, doktor geografskih nauka, Departman za geografiju, turizam i hoteljerstvo Prirodno-matematičkog fakulteta Univerziteta u Novom Sadu, uže naučne oblasti „Prostorno planiranje“ i „Regionalno i ruralno planiranje“ – članica.

VIJEĆU
PRIRODNO-MATEMATIČKOG FAKULTETA
UNIVERZITETA U SARAJEVU

Odlukom Vijeća Prirodno-matematičkog fakulteta Sarajevo od 07.06.2018. godine i Rješenjem Dekana Prirodno-matematičkog fakulteta u Sarajevu broj: 01/06-1246/2-2018. od 08.06.2018. godine imenovani smo u Komisiju za pripremanje prijedloga za **izbor nastavnika u zvanje vanrednog profesora za oblast „Regionalno i prostorno planiranje“** na Odsjeku za geografiju Prirodno-matematičkog fakulteta Univerziteta u Sarajevu - jedan izvršilac u obimu od 20 % nastavne norme.

Nakon pregleda dostavljene dokumentacije Komisija konstatuje da se na raspisani Konkurs objavljen 09.05.2018. godine u dnevnom listu „Oslobođenje“, na web-stranici Fakulteta i na web stranici Univerziteta u Sarajevu prijavio **dr. sc. Ševkija Okerić**, docent na Odsjeku za geografiju Prirodno-matematičkog fakulteta Univerziteta u Sarajevu, kao jedini kandidat.

Komisija, na osnovu Potvrde broj: 02/01-1163/2-2018 od 30.05.2018. godine dostavljene od strane Komisije Fakulteta u sastavu: Jasmina Hasanbegović, dipl.iur sekretar Fakulteta, dr. sc. Elvedin Hasović, vanredni profesor i Jasmina Mujkić, dipl.iur, konstatuje da je dr. sc. Ševkija Okerić, docent Odsjeka za geografiju Prirodno-matematičkog fakulteta Sarajevo, **blagovremeno**, 24.5.2018. godine, dostavio **urednu** prijavu na Konkurs/Natječaj za radno mjesto nastavnika (sva zvanja) za oblast: „**Regionalno i prostorno planiranje**“ na Odsjeku za geografiju Prirodno-matematičkog fakulteta Univerziteta u Sarajevu – 1 izvršilac u obimu od 20 % nastavne norme, i da imenovani konkuriše u zvanje **VANREDNOG PROFESORA**.

Na osnovu člana 106. i člana Zakona o visokom obrazovanju („Službene novine Kantona Sarajevo, broj: 33/17“), člana 166. Statuta Univerziteta u Sarajevu te Podsjetnika za pisanje referata za izbor nastavnika i saradnika Univerziteta u Sarajevu, Komisija podnosi slijedeći

IZVJEŠTAJ

1. BIOGRAFSKI PODACI KANDIDATA

1.1. OSNOVNI BIOGRAFSKI PODACI

- Ševkija Okerić, rođen je 25.02.1956., Mjedenik- Gacko, Bosna i Hercegovina;
- Osnovnu školu „Blagoje Parović“ završio je u Sarajevu 1972. godine;
- Srednju školu (Gimnaziju) završio je u Sarajevu 1976. godine;
- Dodiplomski studij na Odsjeku za geografiju Prirodno-matematičkog fakulteta Univerziteta u Sarajevu uspješno je završio 1980. godine;
- Postdiplomski studij na Fakultetu političkih nauka Univerziteta u Sarajevu uspješno je završio 2000. godine;
- Doktorski studij na Odsjeku za geografiju Prirodno-matematičkog fakulteta Univerziteta u Sarajevu uspješno je završio 2012. godine;
- Od 1980. godine stekao je bogato radno iskustvo. Od 2004. do danas je direktor Sarajevske regionalne razvojne agencije SERDA (80 % radne norme), a od 2013. godine zaposlen je u zvanju docenta na Odsjeku za geografiju Prirodno-matematičkog fakulteta Univerziteta u Sarajevu, naučna oblast: Regionalno i prostorno planiranje (20 % radne norme) na sva tri ciklusa studija;
- Aktivni je učesnik konferencija i drugih naučnih skupova i seminara sa međunarodnim i domaćim učešćem;
- Učestvovao je u organizaciji i realizaciji više naučnih skupova čiji su organizatori Geografsko društvo u Federaciji Bosne i Hercegovine i Odsjek za geografiju Prirodno-matematičkog fakulteta Univerziteta u Sarajevu;
- Učestvovao u naučnim i recenzentskim odborima više naučnih skupova čiji su organizatori Geografsko društvo u Federaciji Bosne i Hercegovine i Odsjek za geografiju Prirodno-matematičkog fakulteta Univerziteta u Sarajevu;
- Do sada je objavio ukupno 10 naučnih (5 u autorstvu i 5 u koautorstvu) radova u različitim domaćim i stranim geografskim časopisima, te Zbornicima radova naučnih skupova na kojima je učestvovao. Većina radova je iz oblasti Regionalnog i prostornog planiranja;
- U 2018. godini objavio je udžbenik „Ekonomskogeografska regionalizacija Bosne i Hercegovine u svjetlu njene integracije u EU“. Izdavač: Prirodno-matematički fakultet Univerziteta u Sarajevu, Sarajevo;
- Dao je značajan doprinos u podizanju nastavnog i naučno-istraživačkog kadra nakon izbora u zvanje docenta: mentorstvo završnog rada na II ciklusu studija i učešće u komisijama za odbranu završnih radova na I, II i III ciklusu studija;
- Ostvario je saradnju sa brojnim naučno-istraživačkim institucijama (Poljoprivredni institut Sarajevo, Ekonomski fakultet Sarajevo i Ekonomski institut Sarajevo);
- Učestvovao je u radu u brojnim profesionalnim tijelima koja su u oblasti Regionalnog i prostornog planiranja;

- Do sada bio na 14 studijskih boravaka (4 nakon izbora u zvanje docenta);
- Posjeduje certificirane jezičke vještine: Engleski - Beginner (A1.2), Pre-Intermediate (A2.2.1), Pre-Intermediate to Intermediate, Elementary, Intermediate English, i necertificirane: RUSKI (obrazovanje kroz osnovnu i srednju školu);
- Posjeduje informatičke vještine u radu sa Microsoft Office i za to posjeduje ECDL - europsku kompjutersku diplomu;
- Oženjen je i otac dvoje djece.
- Državljanin je Bosne i Hercegovine;

1.2. NAPREDOVANJE U OBRAZOVANJU

- **2012.:** Doktorska disertacija: „Ekonomskogeografska regionalizacija Bosne i Hercegovine u svijetlu savremenih evropskih integracija“. Disertacioni rad je odbranjen na Odsjeku za geografiju Prirodno-matematičkog fakulteta Univerziteta u Sarajevu (Mentor: prof. dr. Safet Nurković),
- **2008. – 2012.:** Doktorski studij, Odsjek za geografiju Prirodno-matematičkog fakulteta Univerziteta u Sarajevu,
- **2005.:** Magistarski rad: „Društveno-ekonomski i politički aspekti privatizacije s posebnim osvrtom na Kanton Sarajevo“. Magistarski rad je odbranjen na Fakultetu političkih nauka Univerziteta u Sarajevu (Mentor: prof.dr. Mirko Pejanović),
- **1998. - 2000.:** Postdiplomski studij, Fakultet političkih nauka Univerziteta u Sarajevu,
- **1980.:** Diplomski rad: „Fizičko –geografske karakteristike planine Zelengora“,
- **1976. - 1980.:** Dodiplomski studij, Odsjek za geografiju Prirodno-matematičkog fakulteta Univerziteta u Sarajevu,
- **1972. – 1976.:** Srednje obrazovanje, Gimnazija, Sarajevo,
- **1964. – 1972.:** Osnovno obrazovanje, OŠ „Blagoje Parović“ Sarajevo.

1.3. KRETANJE U SLUŽBI

- **2013. – aktuelno:** docent, Odsjek za geografiju Prirodno-matematičkog fakulteta Univerziteta u Sarajevu, naučna oblast: Regionalno i prostorno planiranje (20 % radne norme).
- **2004. – aktuelno:** Direktor, Sarajevska regionalna razvojna agencija – SERDA (80 % radne norme), Sarajevo;
- **2001. - 2004.:** Savjetnik premijera Vlade za ekonomski i regionalni razvoj, Vlada Kantona Sarajevo, Sarajevo;
- **1997. - 2001.:** Direktor, Kantonalna agencija za privatizaciju, Sarajevo;
- **1994. - 1997.:** Predsjednik Izvršnog odbora Grada - premijer Vlade Kantona, odgovornost za stanje, reintegraciju, obnovu i razvoj (implementacija odredbi Dejtonskog sporazuma), Grad Sarajevo-Kanton Sarajevo, Sarajevo;
- **1993. - 1994.:** Dopredsjednik Izvršnog odbora Okruga, odgovornost za funkcionisanje vlasti u vanrednim, kriznim situacijama, Okrug Sarajevo, Sarajevo;
- **1992. - 1993.:** Predsjednik Izvršnog odbora Općine, odgovornost za lokalni, ekonomski, socijalni, urbani i ukupni razvoj, Općina Novi Grad Sarajevo;

- **1988. - 1992.:** Direktor, OKI-komerc, Sarajevo;
- **1981. - 1988.:** Rukovodilac Centra, IKRO Mladost Zagreb-Poslovni centar Sarajevo, Sarajevo;
- **1980. - 1981.:** Profesor geografije, Osnovna škola i Srednja škola Gacko;

1.4. NAGRADE I PRIZNANJA PRIZNANJA

- Specijalno priznanje „Najmenadžer“ (2007.). Direkcija za izbor najmenadžera Bosne i Hercegovine, jugoistočne i srednje Evrope, Sarajevo.

2. NAUČNI I STRUČNI RAD KANDIDATA

2.1. NAUČNI I STRUČNI RAD KANDIDATA DO IZBORA U DOCENTA

A. NAUČNI RADOVI

1. **Okerić, Š.** (2013.): Osnove ekonomskogeografske regionalizacije Bosne i Hercegovine s posebnim osvrtom na centralno-istočnu bosanskohercegovačku ekonomskogeografsku regiju. Zbornik radova Trećeg kongresa geografa Bosne i Hercegovine, Tuzla. (Rad sa međunarodnom recenzijom).
2. **Okerić, Š., R.Mirić** (2013.): Iskustvo SERDA-e u procesu regionalnog, ekonomskog razvoja u Bosni i Hercegovini. Zbornik radova Trećeg kongresa geografa Bosne i Hercegovine, Tuzla. (Rad sa međunarodnom recenzijom).
3. **Okerić, Š.** (2012.): Ekonomskogeografska regionalizacija Bosne i Hercegovine u svijetlu savremenih evropskih integracija. Doktorska disertacija, odbranjena na Odsjeku za geografiju Prirodno-matematičkog fakulteta Univerziteta u Sarajevu.
4. **Okerić, Š.** (2007.): Sarajevska ekonomska makroregija – stanje i perspektive razvoja. Zbornik radova Drugog kongresa geografa Bosne i Hercegovine, Neum. pp: 594 -617.
5. **Okerić, Š.** (2006.): Socijalni, ekonomski i politički aspekt privatizacije sa posebnim osvrtom na Kanton Sarajevo. Magistarski rad. Fakultet političkih nauka, Sarajevo.

B. NAUČNOISTRAŽIVAČKI PROJEKTI

Nije dokumentirano učešće na naučnoistraživačkim projektima.

C. UČEŠĆE NA MEĐUNARODNIM I DOMAĆIM NAUČNIM KONGRESIMA I SKUPOVIMA (samostalni i u koautorstvu)

1. **Okerić, Š.** (2012.): Kreditno garantni fond SERDA. 1. Međunarodni kongres organske proizvodnje i ekoturizma „Organic Sarajevo“. Sarajevo, 13. – 17. mart 2012.

2. **Okerić, Š.** (2008.): Regionalni ekonomski razvoj u Bosni i Hercegovini – ključ za približavanje Evropskoj uniji (Iskustva SERDA-e). Međunarodna promotivnoinvesticijska konferencija Kantona Sarajevo, Sarajevo, 21 – 23. 04.2008.
3. **Okerić, Š.** (2008.): Sarajevska ekonomska makroregija - primjena standarda Evropske Unije u ekonomsko-geografskoj regionalizaciji Bosne i Hercegovine. 2. Kongres BH naučnika iz zemlje i svijeta, Sarajevo.
4. **Okerić, Š.** (2008.): Evropski fondovi za razvoj gradova i regija, pristupi i načini korištenja selekcija, programi i transparentnost u djelovanju institucija vlasti. IV Konferencija gradonačelnika i civilnog društva „Lokalna samouprava, regionalna saradnja u BiH i evropske integracije“. Tuzla, 25.03. - 27.03.2008.
5. **Okerić, Š.** (2008.): Prekogrančna saradnja između Crne Gore i Bosne i Hercegovine i Republike Srbije i Bosne i Hercegovine. Regionalna konferencija posvećena programima prekogranične saradnje Bosne i Hercegovine sa Srbijom i Crnom Gorom. Višegrad, 20.05. 2008.
6. **Okerić, Š.** (2007.): Razvojem industrijskih zona do razvoja Sarajevske makroregije. Međunarodna konferencija „Industrijske zone kao instrument regionalnog ekonomskog razvoja“. Sarajevo, 07.02.2007.
7. **Okerić, Š.** (2006.): Prezentacija SERDA-e. Međunarodna konferencija „Regionalni ekonomski razvoj i put Bosne i Hercegovine u Europske integracije“. Sarajevo, 17.05.2006.
8. **Okerić, Š.** (2006.): Uloga regionalnih razvojnih agencija u jačanju prekogranične saradnje. Investing in Europe's future: Regions and cities delivering smart, sustainable and inclusive growth“. Manifestacija „Open Days“. Brisel, Belgija, 10. – 13. Oktobar 2011.
9. **Okerić, Š.** (2007.): Aktivnosti SERDA-e u procesu regionalnog ekonomskog razvoja u BiH. 1. Konferencija o regionalnom razvitku Jadranske euroregije i Jugoistočne Evrope. Šibenik, Hrvatska, 6. 10.2007.
10. **Okerić, Š.** (2007.): Iskustva BiH u procesu regionalnog ekonomskog razvoja. Seminar: Uvezivanje sa razvojnim agencijama u BiH. Organizator: Ministarstvo za ljudska prava i izbjeglice Bosne i Hercegovine. Banja Vrućica, Teslić, 14.06. – 16.06.2007.

D. NASTAVNO - PEDAGOŠKI RAD KANDIDATA PRIJE IZBORA U ZVANJE DOCENTA

- Profesor geografije u OŠ „Bistrica“ Gacko, u periodu 1981. – 1982.
- Predavač na Projektnoj akademiji u SERDA-e.
- Predavač po pozivu na Fakultetu Političkih nauka u Sarajevu za problematiku regionalnog razvoja.

E. STUDIJSKI BORAVCI PRIJE IZBORA U ZVANJE DOCENTA

- **2007. - 2011.:** Učešće na internacionalnim konferencijskim aktivnostima „OpenDays“ u Briselu,
- **2008.:** Uloga lokalnih zajednica u regionalnom ekonomskom razvoju – iskustvo Španije, Barselona, Španija,

- **2007.:** Konceptcija realizacije mjera ekonomske politike Hrvatske putem uspostavljanja industrijskih zona, Split, Šibenik i Zadar, Hrvatska,
- **2006.:** Organizacija regija i korišćenje sredstava iz fondova Evropske unije - primjer Rumunije, Rumunija,
- **2005.:** Industrijske zone, instrument ekonomskog razvoja Italije, Veneto, Italija.
- **2005.:** Organizacija regija u Francuskoj – način funkcionisanja regije Arvenj Arven, Francuska,
- **2004.:** Regionalni ekonomski razvoj i iskustva u korištenju Evropskih fondova na primjeru Irske, Šenon, Irska,
- **1999.:** Iskustva tranzicijskih zemalja Istočne i Jugoistočne Evrope u procesu privatizacije - iskustva razvijenih država u privatizaciji strateških i javnih kompanija, Beč, Austrija,
- **1998.:** Iskustva zemalja u procesu tranzicije i privatizacije u svijetu – koncept privatizacije državne imovine u Egiptu, Kairo, Egipat.
- **1995.:** Američko iskustvo u organizaciji vlasti na lokalnom i regionalnom nivou. Vašington, SAD.

2.2. NAUČNI I STRUČNI RAD KANDIDATA NAKON IZBORA U ZVANJE DOCENTA

A. NAUČNI RADOVI

A1. NAUČNI RADOVI OBJAVLJENI U MEĐUNARODNIM ČASOPISIMA I PUBLIKACIJAMA

1. Drešković, N., **Okerić, Š.**, Mirić, R., Sivac, A. (2018.): Tourism sector in Bosnia and Herzegovina – state and development perspective. Book of Proceedings, Year 3/Volume 3. 3rd International Tourism and Hospitality Management Conference Belgrade, 13-17. September 2017, Faculty of Science, University of Sarajevo, str. 121-136. ISSN: 2566-2872. (Rad sa međunarodnom recenzijom).
2. Temimović, E., Banda, A., Jahić, H., **Okerić, Š.** (2018.): Natural geographical tourism attractions of Prenj mountain. Book of Proceedings, Year 3/Volume 3. 3rd International Tourism and Hospitality Management Conference Belgrade, 13-17 September 2017. Faculty of Science, University of Sarajevo, str. 181-189. ISSN: 2566-2872. (Rad sa međunarodnom recenzijom).
3. Korjenić, A., Sivac, A., **Okerić, Š.** (2017.): Geological Characteristics and Density of the Una Water System as a Factor of Spatial Planning. J. Int. Environmental Application & Science, Vol. 12(1): 63-72 (2017), ISSN-1307-0428. (Rad sa međunarodnom recenzijom).
4. Sivac, A., Korjenić, A., **Okerić, Š.**, Banda A. (2017.): The Correlation Between Spatial Planning and Sustainable Tourism Development - Case Study of Bosnia and Herzegovina, 2nd International Tourism and Hospitality Management Conference Sarajevo, 12-16 October 2016, Sarajevo, Bosnia and Herzegovina, Faculty of Science, University of Sarajevo, Conference Proceedings, 262-279. ISSN: 2566-2872. (Rad sa međunarodnom recenzijom).

Analiza naučnih radova:

Drešković, N., **Okerić, Š.**, Mirić, R., Sivac, A. (2018.): Tourism sector in Bosnia and Herzegovina – state and development perspective. Book of Proceedings, Year 3/Volume 3. 3rd International Tourism and Hospitality Management Conference Belgrade, 13-17 September 2017, Faculty of Science, University of Sarajevo, str. 121-136.

Kratak opis rada: U radu je izvršena analiza turističkih kretanja u Bosni i Hercegovini – stanje i perspektive. Osnovna obilježja savremenog turističkog razvoja Bosne i Hercegovine bitno su povezana sa administrativno - političkom organizacijom države što se značajno ogleda u još uvijek nedovoljnoj infrastrukturnoj i zakonodavno - institucionalnoj turističkoj organizaciji. Bez obzira na činjenicu da je u većini razvojnih strategija svih administrativnih i političko - organizacijskih jedinica u Bosni i Hercegovini turizam prepoznat kao jedan od osnovnih potencijala, razvojni nivo turističke industrije prema svim pokazateljima značajno zaostaje na nivou cjelokupnog evropskog turističkog tržišta. Prema podacima iz Izyještaja o konkurentnosti turističkih putovanja Svjetskog ekonomskog foruma (World Economic Forum - WEF), u turističkom prometu Bosna i Hercegovina se nalazi na 113 mjestu od ukupno 136 zemalja. Ukupan broj dolazaka turista u 2016. godini iznosio je oko 1.149 miliona, od čega na međunarodne dolaske otpada oko 62,6 %, dok preostalih 37,4 % otpada na domaće turiste. Ukupan broj noćenja u Bosni i Hercegovini u toku 2016. godine iznosio je 2.377 miliona. U odnosu na prethodno navedene pokazatelje, pozitivni trendovi broja turista povećali su se u posljednjih 10 godina s prosječnom godišnjom stopom od oko 2,5%. Rezultati rada upućuju na to da bi Bosna i Hercegovina, uz poboljšanje institucionalnih i infrastrukturnih kapaciteta, trebala značajno poboljšati ukupni turistički promet i postići znatno bolju poziciju unutar regionalnog evropskog tržišta u narednom desetogodišnjem razdoblju.

Temimović, E., Banda, A., Jahić, H., **Okerić, Š.** (2018.): Natural geographical tourism attractions of Prenj mountain. Book of Proceedings, Year 3/Volume 3. 3rd International Tourism and Hospitality Management Conference Belgrade, 13-17 September 2017, Faculty of Science, University of Sarajevo, str. 181-189.

Kratak opis rada: U radu je urađena analiza prirodnogeografskih turističkih potencijala na planini Prenj. Planina Prenj nalazi se u južnom dijelu Bosne i Hercegovine, u području visokog krša Bosne i Hercegovine. Administrativno, pripada općinama Konjic, Mostar i Jablanica. Geološka, geomorfološka i biološka raznolikost identificira ovo područje kao reprezentativni primjer u Bosni i Hercegovini. Jedinstvene pejzažne vrijednosti, specifične reljefne karakteristike, specifična krška područja, tragovi glacijacije, označene pješačke staze, izletišta, brojne endemske vrste itd. predstavljaju potencijalne turističke atrakcije za razvoj planinskog, alpinističkog i izletničkog turizam, kao i potencijal za boravak naučnih ekspedicija i terenskih istraživanja. Uz povoljan prometno-geografski položaj i bogatstvo turističkih atrakcija, Prenj je nedavno prepoznat kao turističko odredište, uglavnom avanturističkog turizma, a 2012. godine ova je planina odabrana kao najbolja destinacija za brtski biciklizam.

Na Prenju postoji 360 km mapiranih staza i nekategoriziranih staza namijenjenih prvenstveno za biciklizam, ali i za druge vrste rekreacije i sporta. Također, Via Dinarice, avanturistička i pješačka staza koja povezuje turističke atrakcije u sedam zemalja (kroz koje se planinski lanac Dinaridskih Alpa proteže od Slovenije do Albanije), doprinijela je i razvoju ovog tipa turizma na prostoru Bosne i Hercegovine. Bijela staza predstavlja glavni put koji se proteže duž cijele dužine Via Dinarice i povezuje planine Prenj i Čvrsnica. Ovaj rad predstavlja geografsku analizu prirodnogeografskih turističkih atrakcija Prenj i daje kratak pregled turističkog razvoja s aspekta avanturističkog turizma.

Korjenić, A., Sivac, A., **Okerić, Š.** (2017.): Geological Characteristics and Density of the Una Water System as a Factor of Spatial Planning. J. Int. Environmental Application & Science, Vol. 12(1): 63-72 (2017), ISSN-1307-0428.

Kratak opis rada: U radu je izvršena analiza geoloških karakteristika sliva Una i njihov uticaj na gustinu riječne mreže kao faktora prostornog planiranja. Na održavanje padavinske vode na površini i njihovu apsorpciju u podzemlje, značajno utiče geološka građa. Od nje zavise dubina erozionog procesa i usijecanje riječnih dolina. Geološki faktori imaju veliku ulogu u kretanju podzemnih voda. Oni određuju uslove formiranja podzemne vode, njen položaj, brzinu kretanja, dubinu hidrološkog izolatora i karakter hidrološkog kolektora. Između ostalog, hidrogeološki odnosi utiču i na gustinu riječne mreže. Geološka građa može biti ograničavajući faktor kada je u pitanju uređenje i namjena prostora, i kao takva u velikoj mjeri utiče na funkcionalnost prostornog planiranja. Najveću gustinu naseljenosti na području sliva Une upravo imaju dijelovi u kojim su uglavnom zastupljene vododržive stijene sa većom gustinom riječne mreže.

Sivac, A., Korjenić, A., **Okerić, Š.**, Banda A. (2017.): The Correlation Between Spatial Planning and Sustainable Tourism Development - Case Study of Bosnia and Herzegovina, 2nd International Tourism and Hospitality Management Conference Sarajevo, 12-16 October 2016, Sarajevo, Bosnia and Herzegovina, Faculty of Science, University of Sarajevo, Conference Proceedings, 262-279.

Kratak opis rada: U radu se tretira povezanost prostornog planiranja i razvoja turističke održivosti na studiji slučaja Bosne i Hercegovine. Prostorno planiranje važan je koncept za identifikaciju prednosti turizma za turističke destinacije, ali i za okoliš i lokalne zajednice. Iako se prostorno planiranje i turizam često percipiraju kao dva zasebna koncepta, oni su, zapravo, u mnogom međusobno povezani. Prirodni resursi, socijalna infrastruktura, stanovništvo i njene aktivnosti čine osnovu prostornog planiranja pa su neodvojivi od turizma. Turistička infrastruktura se gradi i turističke aktivnosti se odvijaju na određenim lokalitetima, tako da imaju prostorni karakter, pa se planiranje turizma mora integrirati u proces prostornog planiranja na svim nivoima. S druge strane, u posljednjih nekoliko godina turizam se često percipira kao primarni generator prihoda za članove lokalne zajednice u mnogim zemljama, uključujući i Bosnu i Hercegovinu.

U radu se analizira uloga i važnost prostornog planiranja za razvoj koncepta održivog turizma. Zakonodavni sistem u Bosni i Hercegovini koji se odnosi na prostorno planiranje i turizam trebao bi se općenito poboljšati, ali pogotovo u smislu održivosti. Zbog toga je u radu predložen model za održivi razvoj turizma u Bosni i Hercegovini. Cilj članka je utvrditi na koji način integrirati prostorno planiranje sa održivim razvojem turizma. Model koji je predstavljen u radu razmatra sve prostorne nivoe, od nacionalnih do lokalnih.

A2. NAUČNI RADOVI OBJAVLJENI U DOMAĆIM ČASOPISIMA I PUBLIKACIJAMA

1. Drešković, N., Đug, S., **Okerić, Š.** (2017.): Sedronosne naslage rijeke Une – postojeće stanje i katastar sedronosnih naslaga. Zbornik radova 4. Kongresa geografa Bosne i Hercegovine (17. – 19. novembar 2016), Geografsko društvo u Federaciji Bosne i Hercegovine. ISSN 2566-3607 (rad sa međunarodnom recenzijom).

Analiza naučnih radova:

Drešković, N., Đug, S., **Okerić, Š.** (2017.): Sedronosne naslage rijeke Une – postojeće stanje i katastar sedronosnih naslaga. Zbornik radova 4. Kongresa geografa Bosne i Hercegovine (17. – 19. novembar 2016). Geografsko društvo u Federaciji Bosne i Hercegovine. ISSN 2566-3607.

Kratak opis rada: Rijeka Una predstavlja jedan od nekoliko sedrotvornih vodotoka na prostoru Bosne i Hercegovine čije su sedrene tvorevine prošle veoma dug geološki period nastanka. Raritetnost i unikatnost sedrenih naslaga su predstavljali jedan od osnovnih elemenata prirodnog naslijeđa za zaštitu rijeke Une odnosno uspostavu istoimenog nacionalnog parka. Shodno navedenom, u radu su predstavljeni rezultati izvršenih trenskih istraživanja koja su imala za cilj utvrditi recentno stanje sedrenih naslaga kao i analizirati osnovne fizičkohemijske parametre koji utječu na proces formiranja sedre. U radu su također analizirana mikrofitske i makrofitske zajednice koje utječu na proces formiranja biogenih sedrenih naslaga.

U svrhu prezentiranja prostornog razmještaja i obuhvata sedrenih naslaga u radu su predstavljeni rezultati uspostavljenog katastra za iste primjenom geografskog informacionog sistema. Osim na geovizualnom nivou, katasterski sadržaji su definirani i pratećom geobazom podataka koje sadrže osnovne pokazatelje sedrenih naslaga na istraživanim lokalitetima. Rezultatima rada je pokazano da dominantan tip sedrenih naslaga predstavlja biogena sedra koja se razvija u određenim segmentima duž cijelog toka rijeke Une, posebno u dijelu uzvodno od grada Bihaća. Rezultatima rada je također utvrđeno da su osnovni hidrološki i fizičko-hemijski parametri vode u prihvatljivim ekološkim vrijednostima i pogoduju daljem prirodnom razvoju sedrenih naslaga.

B. NAUČNO-ISTRAŽIVAČKI PROJEKTI

(samostalni i u koautorstvu)

1. **Naučno-istraživački projekat:** „Identifikacija i prostorna distribucija polutanata u zraku u Sarajevskoj kotlini – aktuelno stanje i mjere ublažavanja“,
Autori: Drešković, N., Đug, S., Mirić, R., **Okerić, Š.** i dr.
Realizator: GIS centar Odsjeka za geografiju Prirodno-matematičkog fakulteta Univerziteta u Sarajevu,
Naručilac i finansijer projekta: Fond za zaštitu okoliša federacije BiH. Sarajevo,
Period realizacije: April 2017 – April 2018.,
Pozicija u projektu: Ekspert za prostorno planiranje i prostorno modeliranje.

Kratak opis Projekta: Naučno-istraživački projekat „Identifikacija i prostorna distribucija polutanata u zraku u Sarajevskoj kotlini – aktuelno stanje i mjere ublažavanja“ imao je za cilj identifikaciju i definiranje prostorne distribucije prema identificiranim vrstama polutanata u zraku na prostoru Sarajevske kotline prema klimatološkim sezonama. Nosilac izrade projekta je GIS centar Prirodno-matematičkog fakulteta Univerziteta u Sarajevu u saradnji sa odsjecima za geografiju, biologiju i fizik istog. U projektu su definirani pokazatelji horizontalne prostorne distribucije i modeli transporta aeropolutanata sa posebnim akcentom na zoniranje polucijom najopterećenijih prostornih zona. U osnovni cilj projekta je i definiranje vertikalne termičke stratifikacije zraka prema utvrđenim aerotermskim stratifikacijama u periodu zimskih radijacionih termičkih inverzija. Realizacijom ovog projektnog cilja definirana je visina inverzionog sloja zraka sa pokazateljima koncentracije polutanata prema utvrđenim aerostratumima, što će predstavljati osnovu za izradu trodimenzionalnog prostornog sistema tokom najizraženijih radijacionih inverzija. U skladu sa navedenim projektom su definirane neophodne karakteristike glavnih meteoroloških elemenata i njihovo koreliranje sa koncentracijom polutanata kao osnove za procjenu stabilnosti meteorološkog sistema u lokalnoj atmosferi Sarajevske kotline što predstavlja osnovu za buduća teoretska razmatranja i prediktivna modeliranja optimalnih rješenja za aerozagađenje u Sarajevskoj kotlini.

C. UČEŠĆE NA MEĐUNARODNIM I DOMAĆIM NAUČNIM KONGRESIMA I SKUPOVIMA

C.1. UČEŠĆE SA RADOM NA MEĐUNARODNIM I DOMAĆIM NAUČNIM KONGRESIMA I SKUPOVIMA

1. **13.09. - 17.09.2017.:** Učešće na 3nd International Tourism and Hospitality Management Conference Belgrade, Serbia (ITHMC 2017), Prirodno-matematički fakultet Univerzitet u Sarajevu i Agdeniz Univerziteta iz Turske, Departman za geografiju, turizam i hotelijerstvo Prirodno-matematički fakultet, Univerzitet u Novom Sadu (učesće s radom, član naučnog i recenzentskog odbora);

2. **17.11. - 19.11.2016.:** Naučni skup sa međunarodnim učešćem: 4. Kongres geografa Bosne i Hercegovine, Sarajevo, Geografsko društvo u Federaciji Bosne i Hercegovine i Prirodno-matematički fakultet (učešće s radom, član naučnog i recenzenskog odbora),
3. **12.10. - 16.10.2016.:** Učešće na 2nd International Tourism and Hospitality Management Conference Sarajevo (ITHMC 2016), Prirodno-matematički fakultet Univerziteta u Sarajevu i Agdeniz Univerziteta iz Turske (učešće s radom, član naučnog i recenzenskog odbora),
4. **30.09. - 04.10.2015.:** Učešće na 1st International Tourism and Hospitality Management Conference Sarajevo (ITHMC 2015) Prirodno-matematički fakultet Univerziteta u Sarajevu i Agdeniz Univerziteta iz Turske (učešće s radom, član naučnog i recenzenskog odbora).

C.2. UČEŠĆE U ORGANIZACIJI DOMAĆIH I INTERNACIONALNIH NAUČNIH KONFERENCIJA

1. **19.09. – 23.09.2018.:** 4th International Conference on Environmental Science and Technology – ICOEST 2018, Kiev, Ukraina (član naučnog odbora);
2. **02.05. – 06.05.2018.:** 4th International Conference on Engineering and Natural Sciences - ICENS 2018– Kiev, Ukraina (član naučnog odbora);
3. **13.09. - 17.09.2017.:** 3rd International Tourism and Hospitality Management Conference Belgrade (ITHMC 2017), Beograd, Srbija (član naučnog odbora);
4. **03.05. - 07.05. 2017.:** 3rd International Conference on Engineering and Natural Sciences - ICENS 2017– Budimpešta, Mađarska (član naučnog odbora);
5. **19.10. - 23.10.2017.:** 3rd International Conference on Environmental Science and Technology – ICOEST 2017 – Budimpešta, Mađarska (član naučnog odbora);
6. **17.11. – 19.11.2016.:** 4. Kongres geografa Bosne i Hercegovine, Sarajevo, Bosna i Hercegovina (član naučnog odbora);
7. **12.10. - 16.10.2017.:** 2nd International Tourism and Hospitality Management Conference Sarajevo (ITHMC 2016), Sarajevo, Bosna i Hercegovina (član naučnog odbora);
8. **28.09. – 02.10.2016.:** 2nd International Conference on Environmental Science and Technology – ICOEST 2016, Beograd, Srbija (član naučnog odbora);
9. **24.05. - 28.05.2016.:** International Conference on Engineering and Natural Sciences ICENS 2016, Sarajevo, Bosna i Hercegovina (član naučnog odbora);
10. **30.09 – 04.10.2015.:** International Tourism and Hospitality Management Conference Sarajevo - ITHMC 2015, Sarajevo Bosna i Hercegovina (član naučnog odbora);
11. **15.05. – 19.05.2015.:** International Conference on Engineering and Natural Sciences - ICENS 2015, Skoplje, Makedonija (član naučnog odbora).

D. OBJAVLJENI UDŽBENICI I DRUGA NASTAVNA LITERATURA

1. **Okerić, Š.** (2018.): Ekonomskogeografska regionalizacija Bosne i Hercegovine u svjetlu njene integracije u EU. Izdavač: Prirodno-matematički fakultet Univerziteta u Sarajevu. Sarajevo,

Kratak opis udžbenika: Univerziteti udžbenik „Ekonomskogeografska regionalizacija Bosne i Hercegovine u svjetlu njene integracije u EU“ u izdanju Prirodno-matematičkog fakulteta Univerziteta u Sarajevu je pisana u u B5 formatu na 392. stranice kucanog teksta. Udžbenik je ilustriran sa 108 tematskih karata, 8 dijagrama, 26 tabela, a sadržaj je koncipiran u 9 poglavlja i više potpoglavlja. Prvim poglavljem definirani su pojam, suština i značaj regionalizacije. Kroz drugo poglavlje: Suština koncepta Evropske unije, regionalizacija i regionalne politike Evropske unije dat je veoma detaljan pregled nastanka i razvoja Evropske Unije, principa Evropske Unije, regionalne politike Evropske unije, koncepta NUTS regionalizacije Evropske unije, regionalne organizacije nekih zemalja Evropske unije, te su prezentirani važniji datumi u nastanku i razvoju Evropske unije. Pored navedenog u udžbeniku poseban fokus je stavljen na Bosnu i Hercegovinu u procesu integracije u Evropsku uniju, što je i izdvojeno kao treće poglavlje. U okviru ovog dijela kroz potpoglavlja posebno je izdvojeno: Evropska unija – strateški interes Bosne i Hercegovine, Evropske integracije Bosne i Hercegovine u kontekstu politike proširenja Evropske unije, najvažnije dosadašnje aktivnosti Bosne i Hercegovine u procesu evropskih integracija, i buduće aktivnosti Bosne i Hercegovine u procesu evropskih integracija. Četvrto poglavlje definirano je pod nazivom: Historijsko-geografski kontinuitet regionalizacije Bosne i Hercegovine. U petom poglavljju dat je pregled dosadašnjih konceptata regionalizacije Bosne i Hercegovine, pri čemu je poseban fokus dat na geografsku, ekonomsku, administrativno-političku, vojno-političku i aktuelne regionalizacije Bosne i Hercegovine. Novi koncepti ekonomsko-geografske regionalizacije Bosne i Hercegovine predstavljeni su u šestom poglavljju. U ovom dijelu udžbenika poseban fokus stavljen je na osnove definiranja i teorijsko-metodološki pristup novog koncepta ekonomsko-geografke regionalizacije Bosne i Hercegovine. U sedmom poglavljju izvršeno je izdvajanje i prikaz ekonomsko-geografskih regija Bosne i Hercegovine. U okviru ovog poglavlja izvršena je detaljna analiza prirodnogeografskih i društvenogeografskih karakteristika svih izdvojenih ekonomsko-geografskih regija (Sjeverozapadne, Centralno-sjeverne, Sjevernoistočne, Centralno-istočne, i Južne bosanskohercegovačke ekonomske regije). Posljednje osmo poglavlje predstavlja sažeti dio istraživanja koje se odnosi na ekonomsko-geografsku regionalizaciju Bosne i Hercegovine u svjetlu njene integracije u Evropsku Uniju. Ovim istraživanjima došlo se značajnih rezultata o perspektivi Bosne i Hercegovine kroz njeno učešće u evropskom zajedništvu prije svega kroz njenu prilagodbu najvažnijim principima evropske regionalne politike, a to su principi regionalizma i integrizma.

E. NASTAVNO - PEDAGOŠKI RAD KANDIDATA NAKON IZBORA U ZVANJE DOCENTA

1. U periodu nakon izbora u zvanje docenta doc. dr. Ševkija Okerić je zaduženi nastavnik za organizaciju i realizaciju nastavnog procesa na Odsjeku za geografiju Prirodno-matematičkog fakulteta Univerziteta u Sarajevu na I, II i III ciklusu iz slijedećih nastavnih predmeta:

I ciklus studija

1. Prostorno-planerska praksa I,
2. Prostorno-planerska praksa II,
3. Savremeni problemi regionalnog razvoja u svijetu.

II ciklus studija

1. Metodologija izrade, analize i revizije prostornih planova.

III ciklus studija

1. Geografija i regionalni razvoj – obavezni predmet,
2. Regionalna politika Evropske unije i Bosne i Hercegovine - izborni predmet,
3. Istraživanja u obrazovanju prirodnih nauka - izborni predmet.

Na osnovu zapažanja rukovodioca Odsjeka i rezultata ankete studenata Odsjeka za geografiju Prirodno-matematičkog fakulteta Univerziteta u Sarajevu Komisija konstatuje da je povjerene nastavne obaveze u prethodnom izbornom periodu doc.dr. Ševkija Okerić obavljao odgovorno, savjesno i uredno. U nastavno-pedagoškom radu dr. sc. Ševkija Okerić uspješno koristi savremena nastavna sredstva i nastavne metode rada, odnosno vrlo uspješno primjenjuje najnovije geografske spoznaje u pripremi i prezentaciji nastavnih sadržaja dajući tako puni naučni i stručni doprinos osavremenjavanju i povećanju kvalitete nastavno-naučnog procesa. Poseban naučni doprinos kolege Okerića u kvalitativnom obogaćivanju nastavnih sadržaja u oblastima regionalne geografije i turizma predstavlja implementacija rezultata vlastitih naučnih istraživanja koji su dijelom publikovani i u priloženim naučnim radovima.

E. RECENZIJE NAUČNIH RADOVA NAKON IZBORA U ZVANJE DOCENTA

1. **2017.:** Recenzija naučnih radova u: Book of Proceedings, Year 3/Volume 3. 3rd International Tourism and Hospitality Management Conference Belgrade, 13-17 September 2017. Faculty of Science, University of Sarajevo. ISSN: 2566-2872.
2. **2017.:** Recenzija naučnih radova u: Zbornik radova 4. Kongresa geografa Bosne i Hercegovine (17. – 19. novembar 2016). Geografsko društvo u Federaciji Bosne i Hercegovine. ISSN 2566-3607.

G. STUDIJSKI BORAVCI NAKON IZBORA U ZVANJE DOCENTA

- **2018.:** Studijska posjeta Turskoj, Ankara (Upoznavanje sa sistemom rada tehnoloških parkova),
- **2015 - 2017.:** Studijske posjete Albaniji, Srbiji, Hrvatskoj (Upoznavanje sa sistemom regionalnog razvoja u ovim zemljama i funkcionisanjem rada razvojnih agencija),
- **2013.:** Studijska posjeta Japanu u okviru regionalnog projekta „Uspostavljanje i promocija mentoring sistema u zemljama Zapadnog Balkana (Bosna i Hercegovina, Crna Gora i Srbija),
- **2012-2013.:** Studijske posjete Turskoj- Izmir i Istočna Marmara (Upoznavanje sa procesom podrške MSP i funkcionisanjem industrijskih zona).

H. SARADNJA SA INSTITUCIJAMA RELEVANTNIM ZA STRUČNU I NAUČNU OBLAST

Doc. dr. Ševkija Okerić je u proteklom izbornom periodu ostvario funkcionalnu saradnju iz oblasti regionalnog i prostornog planiranja sa brojnim kolegama i institucijama kako iz Bosne i Hercegovine tako i iz inozemstva.

Poseban vidi saradnje ostvario je sa:

- Ekonomskim fakultetom Sarajevo i Ekonomskim institutom Sarajevo, u cilju izrade strateških dokumenata i studija iz oblasti regionalnog ekonomskog razvoja i procesa privatizacije,
- Poljoprivrednim institutom Sarajevo, gdje je učestvovao na izradi studija ruralnog razvoja.

I. ČLANSTVO U PROFESIONALNIM TIJELIMA I DRUGI PROFESIONALNI ANGAŽMANI

- **1994. - 1997.:** član Upravnog odbora Direkcije za obnovu Sarajeva,
- **1995 - 2000.:** član upravnih odbora u više preduzeća: ZOI 84, Šipad komerc, Skenderija, Žica i dr.;
- **2004. – 2007.:** Predsjednik i član komisija za izbor rješenja za ekonomske, socijalne, urbane, prostorne i infrastrukturne probleme grada Sarajeva i Kantona Sarajevo;
- **2006. – 2007.:** član Upravnog odbora projekta EU TAC SME TRAINING AND CONSULTANCY PROJECT;
- **2007. – 2008.:** član Radne grupe za razvoj malih i srednjih preduzeća i regionalni ekonomski razvoj u BiH;
- **1997. – 1999.:** promocija zakonske regulative i marketinška kampanja procesa privatizacije za područje Kantona Sarajevo;
- Stručni saradnik Privredne komore Kantona Sarajevo, Federacije BiH, Vanjskotrgovinske komore BiH i Asocijacije poslodavaca BiH;
- **1996. – 2008.:** Saradnik Ekonomskog instituta Ekonomskog fakulteta Sarajevo;
- **1996. – 2008.:** Organizator i učesnik u prezentiranju ekonomskih i prostornih mogućnosti Kantona Sarajevo potencijalnim investitorima (stranim i domaćim);
- Aktivni član humanitarnih organizacija i sportskih udruženja na području Kantona Sarajevo.

3. DOPRINOS U PODIZANJU NASTAVNOG I NAUČNO-STRAŽIVAČKOG KADRA NAKON IZBORA U ZVANJE DOCENTA

Dr. sc. Ševkija Okerić je u periodu nakon izbora u zvanje docenta dao značajan doprinos u podizanju nastavnog kadra na Odsjeku za geografiju Prirodno-matematičkog fakulteta Univerziteta u Sarajevu. Tokom navedenog perioda doc. dr. Ševkija Okerić je na matičnoj instituciji bio mentor za izradu završnog rada II ciklusa studija, te je imao učešće u

komisijama za odbranu završnih radova na I, II i III ciklusu studija na Odsjeku za geografiju Prirodno-matematičkog fakulteta Univerziteta u Sarajevu.

Među navedenim aktivnostima mogu se posebno izdvojiti slijedeće:

Mentorstvo na II ciklusu studija:

- Završni rad II ciklusa studija: „Prostorno-planerska analiza nerazvijenih područja Bosne i Hercegovine u funkciji unapređenja njihovog regionalnog razvoja". Kandidat: Sudić Nedim, student II ciklusa studija na Odsjeku za geografiju Prirodno-matematičkog fakulteta Univerziteta u Sarajevu, smjer: Regionalno i prostorno planiranje. Rad odbranjen: 23.04. 2018. Zapisnik sa odbrane dostavljen je u prilogu.

Učešće u komisijama I i II ciklusa studija

- Član većeg broja Komisija za odbranu završnih radova I ciklusa studija na Odsjeku za geografiju Prirodno-matematičkog fakulteta Univerziteta u Sarajevu;
- Završni rad II ciklusa studija: „Uspostava GIS baze podataka sa ciljem definiranja prostorno-vremenskih promjena naseljenih mjesta u Bosni i Hercegovini“. Kandidat: Dizdarević Zuhdija, student II ciklusa studija na Odsjeku za geografiju Prirodno-matematičkog fakulteta Univerziteta u Sarajevu, smjer: Regionalno i prostorno planiranje. Rad odbranjen: 22.05.2017. Pozicija: Član Komisije.

Učešće u komisijama na III ciklusu studija

- Komisija za ocjenu prihvatljivosti prijedloga teme doktorske disertacije (projekta) kandidatkinje Amine Sivac, MA, asistentice Prirodno-matematičkog fakulteta Univerziteta u Sarajevu i studentice III ciklusa – doktorskog studija na Odsjeku za geografiju Prirodno-matematičkog fakulteta Univerziteta u Sarajevu, smjer Regionalno i prostorno planiranje pod naslovom: „Bazni geoinformacioni model prostorne distribucije polutanata u zraku Sarajevske kotline u kontekstu urbanističkog i prostornog planiranja“. Pozicija: član.
- Komisija za ocjenu uvjeta kandidatkinje Amine Sivac, MA studentice III ciklusa studija, asistentice na Odsjeku za geografiju Prirodno-matematičkog fakulteta i podobnosti teme doktorske disertacije pod naslovom „Bazni geoinformacioni model prostorne distribucije polutanata u zraku Sarajevske kotline u kontekstu urbanističkog i prostornog planiranja“. Pozicija: član Komisije.

Članstvo u komisijama za izbor u akademska zvanja:

- 2018. Član Komisije za izbor **Višeg asistenta** za oblast „GIS“ i „Regionalno i prostorno planiranje“ na Odsjeku za geografiju Prirodno-matematičkog fakulteta u Sarajevu (Rješenje br.: 01/06-1245/2-2018. od 08.06.2018.)

(Dokumenti o učešću u navedenim komisijama su priloženi uz prijavu na konkurs).

4. ZAKLJUČAK

Na osnovu cjelovite analize naučnog opusa urađene na osnovu dostavljenih materijala u prijavi kandidata dr. sc. Ševkije Okerića, docenta na Odsjeku za geografiju Prirodno-matematičkog fakulteta Univerziteta u Sarajevu, a na osnovu člana 106. Zakona o visokom obrazovanju („Službene novine Kantona Sarajevo, broj: 33/17“), člana 166. Statuta Univerziteta u Sarajevu te Podsjetnika za pisanje referata za izbor nastavnika i saradnika Univerziteta u Sarajevu, Komisija za izbor nastavnika u naučno-nastavno zvanje VANREDNI PROFESOR za naučnu oblast „Regionalno i prostorno planiranje“ (u obimu od 20 % nastavne norme) na Odsjeku za geografiju Prirodno-matematičkog fakulteta Univerziteta u Sarajevu je zaključila da:

- kandidat, dr.sc. Ševkija Okerić, ispunjava sve opće uvjete za izbor određene prema konkursu/natječaju na radno mjesto NASTAVNIK (sva zvanja) za oblast: „Regionalno i prostorno planiranje“ na Odsjeku za geografiju Prirodno-matematičkog fakulteta Univerziteta u Sarajevu - 1 izvršilac, koji je objavljen 09.05.2018. godine u dnevnom listu „Oslobođenje“, na web-stranici Fakulteta i na web stranici Univerziteta u Sarajevu;
- kandidat dr. sc. Ševkija Okerić je u svojoj prijavi na konkurs naveo da konkuriše za izbor u naučno-nastavno zvanje **vanredni profesor** za oblast „**Regionalno i prostorno planiranje**“ na Odsjeku za geografiju Prirodno-matematičkog fakulteta Univerziteta u Sarajevu;
- kandidat, dr. sc. Ševkija Okerić, ispunjava sve uvjete za izbor nastavnika u zvanje VANREDNOG PROFESORA za oblast: „Regionalno i prostorno planiranje“ na Odsjeku za geografiju Prirodno-matematičkog fakulteta Univerziteta u Sarajevu, određene članom 96. (Uslovi za izbor u naučnonastavna zvanja), stav e). Zakona o visokom obrazovanju Kantona Sarajevo (Službene novine Kantona Sarajevo, br.33/17) i članom 156. stav e) Statuta Univerziteta u Sarajevu;
- kandidat, dr. sc. Ševkija Okerić, posjeduje diplome: visoka stručne sprema - profesor geografije, magistar političkih nauka i doktor geografskih nauka;
- kandidat dr. sc. Ševkija Okerić, je u periodu do izbora u zvanje docenta objavio 5 naučnih i veći broj stručnih radova;
- kandidat, dr. sc. Ševkija Okerić, je u periodu nakon izbora u zvanje docenta objavio četiri naučna rada u časopisima i publikacijama koji prate relevantnu bazu podataka;
- kandidat, dr. sc. Ševkija Okerić, je u periodu nakon izbora u zvanje docenta objavio jedan naučni rad publikovan u zborniku radova koji prati relevantnu bazu podataka;
- kandidat, dr. sc. Ševkija Okerić, je u periodu nakon izbora u zvanje docenta učestvovao u organizaciji 2 međunarodna i 1 domaćeg naučnog skupa i stekao zavidnu naučnu reputaciju;
- kandidat, dr. sc. Ševkija Okerić, je u periodu nakon izbora u zvanje docenta bio učesnik jednog domaćeg naučno-istraživačkog projekta;
- kandidat, dr. sc. Ševkija Okerić, je u periodu nakon izbora u zvanje docenta objavio jedan univerzitetski udžbenik: Ekonomskogeografska regionalizacija Bosne i Hercegovine u svjetlu njene integracije u EU;

- svi objavljeni naučni radovi i univerzitetski udžbenik kandidata, dr. sc. Ševkije Okerića, su iz uže i šire naučne oblasti za koju je kandidat konkurisao;
- kandidat, dr. sc. Ševkija Okerić, je stekao respektabilno pedagoško iskustvo kroz nastavno-naučnu aktivnost u zvanju docenta na Odsjeku za geografiju Prirodno-matematičkog fakulteta Univerziteta u Sarajevu;
- kandidat, dr. sc. Ševkija Okerić, je uspješno radio na realizaciji i inoviranju nastavnih planova i programa iz nastavno-naučnih predmeta za koje je zadužen na sva 3 ciklusa studija na Odsjeku za geografiju Prirodno-matematičkog fakulteta Univerziteta u Sarajevu, koristeći se pri tome rezultatima najnovijih naučnih spoznaja u oblasti regionalnog i prostornog planiranja;
- kandidat, dr. sc. Ševkija Okerić, je u periodu nakon izbora u zvanje docenta recenzirao veći broj naučnih radova iz različitih međunarodnih i domaćih publikacija;
- kandidat, dr. sc. Ševkija Okerić, je u periodu nakon izbora u zvanje docenta dao značajan doprinos u podizanju nastavnog i naučno-istraživačkog kadra na Odsjeku za geografiju Prirodno-matematičkog fakulteta Univerziteta u Sarajevu;
- kandidat, dr. sc. Ševkija Okerić, je u periodu nakon izbora u zvanje docenta bio mentor jednog odbranjenog završnog rada II ciklusa studija na Odsjeku za geografiju Prirodno-matematičkog fakulteta Univerziteta u Sarajevu;
- kandidat, dr. sc. Ševkija Okerić, je u periodu nakon izbora u zvanje docenta je bio član u jednoj komisiji za izbor višeg asistenta na Odsjeku za geografiju Prirodno-matematičkog fakulteta Univerziteta u Sarajevu.
- kandidat, dr. sc. Ševkija Okerić, je u periodu nakon izbora u zvanje docenta je bio član u komisije za ocjenu podobnosti teme i uvjeta kandidata jednog disertacionog rada na III ciklusu studija Odsjeka za geografiju Prirodno-matematičkog fakulteta Univerziteta u Sarajevu;
- kandidat, dr. sc. Ševkija Okerić, je u periodu nakon izbora u zvanje docenta bio član u komisije za ocjenu i odbranu jednog završnog rada na II ciklusu studija na Odsjeku za geografiju Prirodno-matematičkog fakulteta Univerziteta u Sarajevu;
- kandidat, dr. sc. Ševkija Okerić, je u periodu nakon izbora u zvanje docenta bio član većeg broja komisija za odbranu završni radova I ciklusa studija na Odsjeku za geografiju Prirodno-matematičkog fakulteta Univerziteta u Sarajevu;
- kandidat, dr. sc. Ševkija Okerić, je u dosadašnjem naučno-nastavnom radu pokazao zavidan nivo kreativnosti uz primjenu savremenih nastavnih sredstava.
- kandidat, dr. sc. Ševkija Okerić, je vrlo aktivan u radu Geografskog društava u Federaciji Bosne i Hercegovine, koje baštini naučnu i školsku geografiju;
- kandidat, dr. sc. Ševkija Okerić, je državljanin Bosne i Hercegovine.

5. PRIJEDLOG

Na osnovu svestrane analize dostavljenog materijala traženog konkursom koji je Komisija imala na uvid, i uvažavajući zakonske propise koji regulišu ovu oblast, Komisija konstatuje da dr. sc. Ševkija Okerić, docent na Odsjeku za geografiju Prirodno-matematičkog fakulteta Univerziteta u Sarajevu, ispunjava sve, Zakonom o visokom obrazovanju Kantona Sarajevo

(Službene novine Kantona Sarajevo, broj: 33/17) i Statutom Univerziteta u Sarajevu, propisane uvjete za izbor u naučno-nastavno zvanje VANREDNI PROFESOR za naučnu oblast „Regionalno i prostorno planiranje“.

Komisija sa zadovoljstvom predlaže Vijeću Prirodno-matematičkog fakulteta Univerziteta u Sarajevu da prihvati Izvještaj Komisije i da dr. sc. Ševkiju Okerića, docenta na Odsjeku za geografiju Prirodno-matematičkog fakulteta Univerziteta u Sarajevu, izabere u nastavno-naučno zvanje VANREDNOG PROFESORA za naučnu oblast „Regionalno i prostorno planiranje“.

Sarajevo, Beograd, Novi Sad, 18.06.2018.godine

KOMISIJA:

Prof. dr. Nusret Drešković, predsjednik

Prof. dr. Dejan Đorđević, član

Prof. dr. Jasmina Đorđević, članica